



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Ustavno pravna komisija
Broj: 01/1-011-718/01
Sarajevo, 07.11.2001.

Prijelazno: 20. 11. 2001.			
Org. jed.	Broj	Prilog	Vrijednost
01/1	011-718/01		

B

ZAPISNIK
sa petnaeste sjednice Ustavno - pravne komisije

Sjednica je održana dana 07.11.2001.godine sa početkom u 11.00 sati.

Sjednici us prisustvovali:

- | | |
|---------------------|---------------------------|
| 1. Mirko Banjac | 6. Miro Grabovac –Titan i |
| 2. Hilmo Neimarlija | 7. Mariofil Ljubić, |
| 3. Željko Bilbija | |
| 4. Muhamed Begović | |
| 5. Osman Brka | |

S tim da je član komisije Mariofil Ljubić kasnio 40 minuta, jer nije znao za održavanje sjednice

Odsutni su bili: 1. Bogić Bogičević i
2. Mirko Mijatović.

U svojstvu predstavnika predlagača Vijeća ministara BiH sjednici su prisustvovali : Savo Kojić, Helena Tavra, Neven Kurtović i Amir Pilav

Sjednici su takode prisustvovao Milan Zjajić zaposlen u stručnoj službi Predstavničkog doma Parlamentarne skupštine BiH.

Predsjedavajući komisije Mirko Banjac je predložio sljedeći:

DNEVNI RED :

1. Verifikacija zapisnika sa 14. sjednice Ustavno – pravne komisije održane 29.09.; 01.10. i 11.10.2001.godine.
2. Prijedlog zakona o registraciji pravnih lica osnovanih od institucija BiH.
- ✓3. Prijedlog zakona o pravobranilaštvu BiH,
4. Prijedlog zakona o upravnim sporovima BiH,
- ✓5. Prijedlog zakona o državnoj službi u institucijama vlasti BiH,
- ✓6. Prijedlog zakona o praznicima BiH-predlagač Dom naroda,
7. Amandmani Doma naroda na Prijedlog zakona o udruženjima i fondacijama BiH,
- ✓8. Ostala pitanja.

Ujedno je predložio da se pod tačkom 8. raspravlja o ustavnom osnovu za Prijedlog zakona o slobodnim zonama, za koji je Predstavnički dom prihvatio hitni postupak iz člana 104. Poslovnika.

Potom je otvorio raspravu o predloženom dnevnom redu, a kako nije bilo primjedbi i prijedloga predloženi dnevni red je jednoglasno usvojen.

Ad. 1.

Zapisnik sa XIV sjednice Ustavno-pravne komisije Predstavničkog doma Parlamentarne skupštine BiH održane 28.09.; 01.10. i 11.10.2001. godine je jednoglasno, bez primjedbi verifikovan.

Zapisnik sa XIV sjednice Ustavno-pravne komisije Predstavničkog doma Parlamentarne skupštine BiH održane 28.09.; 01.10. i 11.10.2001. godine je jednoglasno, bez primjedbi verifikovan.

Ad. 2.

Nakon otvaranja druge tačke dnevnog reda Milan Zjajić je upoznao članove Komisije o dopisu od Vijeća ministara o izmjeni, tako da je iz naziva zakona, člana 1. i 16. brisana riječ "vlasti"

Predsjedavajući Mirko Banjac je upoznao članove komisije da je uložio amandmane on i poslanik Tihomir Gligorić u ime Kluba poslanika PDP, SNSD-DSP, SPRS, SNS. Kako se radilo o potpuno istim amandmanima član komisije Željko Bilbija je povukao uložene amandmane u ime Kluba.

Zatim se razvila dosta duga rasprava, u kojoj su učestvovali skoro svi prisutni o neusklađenosti Poslovnika Predstavničkog doma i Vijeća ministara, što dovodi do toga da se od Vijeća ministara još uvijek dobijaju "nacrti zakona"

Predstavnik predlagača Savo Kojić je dao detaljno obrazloženje posebno se osvrćući na uložene amandmane. Istakao je da se nadležnost Ministarstva civilnih poslova i komunikacija za registraciju pravnih lica predviđa zbog čisto praktičnih razloga, jer Sud BiH još ne funkcioniše i zakon sa usvojenim amandmanima bio bi neprimjenjiv u praksi.

Predlagač amandmana Mirko Banjac je odmah izrazio spremnost da povuče sve amandmane koji se odnose na zamjenu organa nadležnog za registraciju, a nakon obrazloženja predstavnika predlagača zakona povukao je i ostale amandmane koji su po njemu bili u funkciji jezičkog uljepšavanja teksta.

Član Komisije Osman Brka je zamjerio vladajućoj koaliciji što svoju nemoć da stave u funkciju državu ozakonuju kroz ovakve zakone, a prije preuzimanja vlasti su na sva zvona govorili da će im to biti prioritet. Zatim su i Hilmo Neimarlija, Miro Grabovac – Titan i Muhamed Begović izrazili svoje slaganje sa amandmanima Mirka Banjca, ali i razumjevanje za razloge njihovog povlačenja.

Komisija je jednoglasno, predloženi tekst Zakona o registraciji pravnih lica osnovanih od institucija BiH uputila u dalju zakonodavnu proceduru.

Ad. 3.

Otvarajući ovu tačku dnevnog reda Predsjedavajući je dao riječ članu Komisije Željku Bilbiji koji je u ime Kluba poslanika PDP, SNSD-DSP, SPRS, SNS povukao uložene amandmane. Zatim je Predsjedavajući Mirko Banjac dao obrazloženje 1. amandmana ističući da pravobranioca i njegove zamjenike treba imenovati parlamentarna skupština, a ne Vijeće ministara BiH. Svi članovi Komisije su podržali ovaj amandman ističući svoje argumente i podržavajući iznešene. Predstavnik predlagače je istakao da je Vijeće ministara BiH htjelo tom odredbom da napravi razliku između sudija Suda BiH i pravobranioca. Komisija je jednoglasno usvojila

Amandman I

Član 4. mijenja se i glasi:

"Pravobranioca i njegove zamjenike imenuje Parlamentarna skupština Bosne i Hercegovine"

Zatim je Predsjedavajući Mirko Banjac obrazložio i sljedeći amandman koji je nakon kraće diskusije jednoglasno prihvaćen.

Amandman II

U članu 9. tačka 3. brišu se riječi "i pomoćnici pravobranilaca"

Nakon kraće diskusije Predsjedavajući je izmjenio tekst 3. amandmana pa je i on jednoglasno prihvaćen.

Amandman III

U članu 13. tačka 16. mijenjaju se riječi " iz tačke 15" riječima " iz tačke 2"

Isto tako je nakon kraće diskusije predlagač amandmana dodao riječi " na nivou BiH" pa je i ovaj amandman jednoglasno prihvaćen.

Amandman IV

U članu 15. iza tačke 2. dodaje tačka 3. koja glasi: " Sastav radnika okvirno odražava nacionalnu strukturu stanovništva Bosne i Hercegovine prema posljednjem popisu stanovništva na nivou Bosne i Hercegovine"

U toku rasprave došlo je do preformulacije i sljedećeg amandmana koji je jednoglasno usvojen.

Amandman V

Član 17. tačka 1. mijenja se i glasi:

"Pravobranilaštvo će u postupcima pred sudovima i drugim institucijama pred kojima Pravobranilac postupa primjenjivati supsidijarne postojeće zakonske propise koji uređuju pravila procedure."

Zatim je Komisija jednoglasno prihvatila da se Prijedlog zakona o pravobranilaštvu BiH uputi u dalju zakonodavnu proceduru sa usvojenim amandmanima.

Ad. 4.

Na početku rasprave predstavnik predlagača je istakao da je Vijeće ministara na 34. sjednici od 16. 10.2001. ovlastio Ministarstvo civilnih poslova i komunikacija da is nasiva sakona briše riječ "vlasti"

Ovaj amandman je jednoglasno prihvaćen i zatim se otvorila kraća rasprava nakon koje je zaključeno da se odlučivanje o ostalim amandmanima odloži sa narednu sjednicu uz obavezu Komisije da ne narušava proceduru i rokove. Navedeno, je jednoglasno prihvaćeno.

Ad. 5.

Nakon što je predsjedavajući otvorio raspravu Milan Zjajić je istakao da za Prijedlog zakona o upravnim sporovima BiH Ustavno-pravna komisija nije dala mišljenje o postojanju ustavnog osnova. Prilikom glasanja rezultat je bio 2 - 2 - 1.

Zatim se otvorila kraća rasprava nakon koje je zaključeno da se nadležnom ministarstvu Savjeta ministara pošalje dio stenograma kako bi se pokušali otkloniti nedostaci koji su rezultirali takvom odlukom Komisije.

Ad. 6

Potom se bez posebne rasprave prišlo izjašnjavanju o ustavnom osnovu za donošenje Zakona o praznicima BiH. Jednoglasno, to je i prihvaćeno.

Ad. 7.

Nakon kraće rasprave Komisija je jednoglasno odbila razmatrati usvojene amandmane Doma naroda na Zakon o udruženjima i fondacijama BiH dok to Predstavnički dom ne zatraži.

Ad. 8

Potom se bez posebne rasprave prišlo izjašnjavanju o ustavnom osnovu za donošenje Zakona o slobodnim zonama BiH. Jednoglasno je prihvaćeno da postoji valjan ustavni osnov za donošenje navedenog zakona.

Ad. 9.

Članovi Komisije su jednoglasno za izvjestioca po svim izvještajima imenovali Predsjedavajućeg Mirka Banjca. Kako nije bilo prijedloga za ovu tačku dnevnog reda (ostala pitanja) Predsjedavajući je zaključio petnaestu sjednicu u 13,30 sati.

PREDSJEDAVAJUĆI
USTAVNO - PRAVNE KOMISIJE

Mr. Mirko Banjac

